

十六日路透電。杜國三將下禮拜當可行抵德京。德人現已預備款接之禮。

同日電。法國海軍大臣潘立敦。曾往科西加京城游歷。據言法國宜于該處建築砲臺。以固地中海一帶各法屬疆圍。嗣又啓程往畢士他。復演說法國不欲與英國用兵。雖練兵之法。日益求精。不過以禦外侮。法外務大臣聞其言。心中甚不喜悅云。

十七日柏林電。法相德爾喀賽因潘立敦之演說。有開罪意國之處。不得不向意國謝罪。惟法國欲在地中海及馬羅科地方得有大權。因此英意兩國頗疑之。

十八日倫敦電。俄國農部大臣出示。言凡日美等人如違例在西伯利亞海岸乘船捕魚者。除拘拿監禁外。船貨一概充公。

十九日路透電。意人言法國海軍卿所談意國之意。意國並不在意。自可置之不理。

同日柏林電。法意齟齬之事。雖已開議。然尚未能即了。茲復因英人將希蘭灘地方佔據。法意之事。更難了結矣。

同日電。波斯王至俄京游歷。俄皇特于克爾斯地方設宴款待。彼此所言均甚親睦。

二十日路透電。比利時女皇刻在斯巴地方崩逝。享年六十六歲。

同日電。英人尼宜于四年前前往探北極。在某處凍斃。其尸現由冰中檢出。聞附近北極之益勒斯及西屬各處。業已繪有地圖。凍死是處者不知凡幾云。

二十一日路透電。昨晚格致家斯賓士。由琉璃宮駕駛空氣輪船倫敦而抵哈烏洛。約有三十英里之遠。其製造之奇。實出環球之上。該輪長約七丈五尺。闊約一丈。輪葉共一丈。能于空氣中行駛自若云。

二十二日路透電。比利時女皇于今日下午安葬。

同日電。德政府擬于本年十月內專請各國會議設立無線電信之章程。

二十二日路透電。目下南非洲戰事既了。政治悉歸和平。英杜政府擬將杜屬之民犯百十三名。于日內即行釋放。

同日電。杜將多人近在彌日塞士滔地方。懇請各國捐集巨款賑卹杜屬貧民。又云。英政府現允捐助三百萬磅。然尙覺不敷。因此次戰事。杜國所失。不止此數十倍也。

同日電。昨有杜將數人在澳魯琛登演說。大意謂杜政府擬欲籌借外款。據云已蒙美政府允借銀十萬。并云在薩酒蛙演說時。曾得銀四百磅。

同日柏林電。近日紛傳法國與西班牙有聯盟之說。據兩國官場則言並無其事。

二十五日路透電。暹羅政府已延聘日本人某君為顧問官。法廷聞信。頗為張皇。蓋以英日聯盟。恐將有闕于暹羅也。

同日電。美國大總統已過返美京。身體強健。如常。

同日電。美國品沙兵艦。近復搭載水兵多人。前往巴拿馬海峽。

同日電。日本商務大臣前赴南非洲遊歷。已閱四月之久。茲聞日內擬赴英國。該大臣欲在聖恆尼士拔地方新聞日本商埠。惟以航路未通。尙多阻碍。日政府近已極力籌畫此事云。

二十六日路透電。巴黎某報言日本欲施權力于暹羅。急宜極力阻止。否則亞洲各國。將被日本併吞云。

二十七日路透電。法國里昂至巴黎之鐵路。有急行火車行駛過速。突衝出線外。致死者二十人。負傷者五十人。其負傷者均係沈重云。

同日電。法國之宗教學校。因事封閉。將軍科刺以非職減其半俸云。

同日電。俄國茲維耶新聞。著論巴科多鐵道之建設。防害俄國之利益。俄國宜于亞細亞土耳其其防止法國之飛躍云。

二十九日路透電。法國小說家梭刺氏。因居室燬燼之不良。致窒息而死。其夫人亦同罹其禍。不過幸而獲免云。

同日電。俄國大藏大臣維西德。擬往滿洲巡視鐵道。旋赴北京及東京遊歷云。

十月一日路透電。英國商務大臣畢弗拉在赤田宴飲時。談及此次英政府會與加拿大鐵路公司并英人蒙更簽立合約者。緣該公司已歸英商辦理。曾造輪船二艘。願歸水師管轄。英政府年准獎給該公司銀十五萬兩。又此番英政府所立合約。人皆稱贊不置。惟助銀一節。又有議論。

同日電。杜將弗亦崇博二人。現已由英搭輪前往美國演說。

同日柏林電。英國各報以聞德廷願接見杜國三將。大為震動。然此甚無謂。蓋德廷此次接見杜將。早與英廷商定。與政治上實不干涉也。

同日電。此間傳聞俄國大藏大臣前往滿洲及日本等處游歷。尙有至美之意。惟現尙未經接到確信。故未能知其究竟也。

二日路透電。日俄兩國現在墨西哥設立議會。以便保護兩國商務。另設工廠一所。紡織日本各等絲綢。



同日電。紐約各煤礦因工人爭鬥。致現在煤炭極缺。美總統擬于本月三日召見運煤鐵路并開採煤礦各董事。商議一切。蓋因煤炭不足實關係全國良深也。

同日電。太晤士報近著論說。言日本因抽收房租。各國不允。而將此事交荷蘭弭兵會公斷。日本及各國如此辦理。彼此均可謂有禮。而日本能有此等舉動。亦無怪其在大國之列矣。

三日路透電。愛爾蘭各處。近有亂事。英政府已設兵防守。

同日電。埃及吐瀉之症。現仍盛行。自七月十五日起至本日止。患者已有三萬六千六百五十八人。其間死者三萬〇九百八十八人。

同日電。此次土耳其兵亂。甚恐牽動大局。土國蒙尼斯達總督云。某軍三營。現亦潰散。

同日電。日本現在倫敦宣借日洋五十兆元。計合英金五兆磅。以五厘行息。

同日電。此番各杜將求見德皇一事。建議者係在德京之某杜人。蓋某以為杜將所請。必蒙德皇允允也。

同日電。俄京聖彼得堡某報云。年來俄屬黑龍江左岸農工。愈趨愈下。中國所屬之右岸。則日益繁昌。此後黑龍江兩岸各屬。宜統歸俄國版圖云。

四日路透電。此次美國煤礦工人爭鬥事。美總統已極力調停。惟各工人均不願息事。

五日路透電。聖尼次阿某報云。英大臣張伯倫擬籌款三千萬元。借與杜政府。開辦杜屬應辦各事。因杜人已欲向英政府假借此款久矣。

同日倫敦電。俄人近背巴黎之約。派魚雷船駛出黑海。又公爵某亦乘鐵甲戰船至土耳其京城。觀此情形。俄人將于巴斯勃海峽有所圖謀矣。并聞俄國欲向土耳其王索取水師屯煤地兩處。一在土耳其東南伊京海。一即在土耳其東北之黑海也。

六日路透電。美國某煤商擬向英國採買上等煤炭五萬噸。趕即由道海運回美屬各處應用。加拿大某煤商已將煤炭十萬噸載赴美屬各處。日昨美總統并內閣大臣因缺煤一事。商議有兩點鐘之久。惟所擬辦法。尚未得知。

七日路透電。美提督克士宜諭云。哥命比亞國未蒙美廷允允。不得在巴拿馬海峽鐵路運載兵士軍裝。故哥政府現已力爭此事。

八日路透電。巴黎某報云。此次法暹兩國在法京所訂之約。可永息爭端。

同日電。美國近因缺煤。國人多赴英屬採買。故英國煤價倏增。目下蘇格蘭各煤行。每噸價目比前已增三辨士之多。

同日電。目下有煤工三萬六千人在東勒士地方爭鬥。

同日電。俄京聖彼得堡傳聞俄國大藏大臣維西德。擬往韓京以助韓廷。俄顧問官亞勒斯弗整頓韓國度支。

九日路透電。本年九月間。英國各屬進口各貨價值。較之去年十月間。多三百五十萬磅。出口貨多一百八十七萬五千磅。

同日電。歐洲各鐵路公司。均于昨日在巴黎會議。西伯利亞至中國鐵路章程。

十日路透電。法國各煤礦工人。共有一百二十萬人。其中七十萬人。現已決定前往戰門。

同日電。英國近設議會禁止理栢宮各屬售賣鴉片。慶德栢地方英教會監督。曾在該會論及。果理栢宮為售賣鴉片之區。不特有傷英國文明政體。且太覺對待中國之不公云。

同日電。駐扎墨斯敦各士兵。現已盡行撤退。

十一日路透電。法國各礦工爭鬥。法政府已派兵前往彈壓。

同日電。美國各煤礦工人爭鬥一事。目下尚未定議。馬庚自願從中調停。惟政府未嘗允允。

十二日路透電。法國北屬刻已派兵多名。前赴各礦工滋事之處彈壓。近礦各處傳聞各礦工現欲前往法京巴黎。

同日電。英加兩政府現已議定設一輪船公司。製造極快輪船行駛加拿大并力畢坡兩處。

同日電。英國內閣各大臣于本日重開議會。開係開議學務。

十三日路透電。英政府近擬建造力畢坡至加拿大之鐵路。每年津貼之費。須銀一百二十萬五千元。

同日電。美國與哥命比亞失和一事。美政府已傳諭總兵官卡司。謂哥政府如有無理之舉。宜與力爭。惟哥兵以後各等軍裝。始准由品拉鐵路運載。否則難免再起爭端也。

同日電。本月八九兩日。土耳其軍在斐達力赤地方與巴嘉利之兵大戰。計巴兵應敵者共三百人。死者四十人。傷者六十人。

十四日路透電。各杜將已於本日行抵法京。法國國會各董事。均以厚禮接待。法外部大臣亦曾接見。

十五日路透電。德法兩國議院。現已重行開議。



同日電。法戶部擬欲增收稅則二萬〇七百萬佛郎。  
 同日電。美酒利亞戰事危急異常。美總統已移駐提克士矣。  
 同日電。美總統并兵部大臣武樂德君。代表人馬更君。會同煤礦各董事在美京華盛頓會議。總統之意。擬專派一員辦理各煤礦公司及礦工交涉之事。勸令礦工從速興工。衆咸諾之。惟美國合衆會董事彌赤烈君。聲言各礦工若非先行議定章程。予亦不敢受總統之命等語。目下清家高各屬因煤乏之故。均採辦備用。殊形忙碌云。  
 同日電。俄水師各兵艦擬于日內由屈那斯德駛赴東方者。計鐵甲兵艦二艘。巡艦三艘。魚雷艇四艘。開管帶各艦係統俄領太平洋水師提督斯德巴。  
 十六日路透電。各杜將已由巴黎起程。前赴德京柏林。  
 同日電。蘇弗兒亞風傳土國兵隊會將墨士篤尼亞耶蘇教民鄉村四處焚燬。居民被戮甚多。目下該屬人民由邊界逃往達日。逃避難者已有六百人之衆。  
 十七日路透電。美國各煤礦工人爭鬥一事。現已議結無事矣。  
 同日電。美總統因議結各礦工爭鬥一事。大爲民間所信服。  
 同日電。英國下議院當秋季開院會議之時。與議之人甚衆。  
 同日電。美酒利亞戰事。兩軍均喪失甚多。不知將何了局。  
 同日電。巴科首相提議教育制度之事。贊成者二百六十二人。反對者一百四十一人。  
 同日電。各杜將在德京柏林演說時。極言伊等仍係英屬。不敢自操國政。  
 十八日路透電。英國教育法律。現已重新規定。計一百五十條。惟恐奏效難期神速耳。  
 同日電。英理藩院大臣張伯倫擬欲再行接見各杜將一事。未知確否。  
 同日電。英首相巴科昨日已允各管學大臣勸支學費。開辦學務。如此則學業之隆。可指日而待也。  
 十九日路透電。據阿德沙某時報訪事云。俄日兩國所訂商約。現已將次告成。惟兩國各宜極力籌畫。俾兩國土產均可暢銷。  
 同日電。美國各煤礦工人。現已重興工作。

同日電。一千九百〇三年。俄國預算水師經費。計銀一千一百五十萬磅。其中四十五萬一千五百五十磅爲經營旅順口水師之費。三十五萬爲增廣烈直斯達港水師之費。  
 二十日路透電。俄國財政大臣。現已行抵丁尼。按該大臣日前巡勘西伯利亞各屬鐵路者。因欲早日可以開車也。  
 同日電。目下彌力沮爾那國革命黨大勢已危。所據城池均已失守。計被官軍殺戮者一千四百人。其餘受傷者指不勝屈。  
 同日電。各杜將已離德京。德皇不准各官往餞送。  
 同日電。素瑪勒地戰事。目下甚烈。本月六日漢拉所統各軍擊斃人馬甚多。都司弗烈各文君輪船管帶蔭納君均陣亡。素瑪勒各軍惶懼異常。參將武安君現已退兵待援矣。  
 同日電。本月十五六兩日。蘇弗烈西火山炸裂。聖彬森內地亦被其災。各處道路田園。均爲熱沙所掩。  
 二十二日路透電。美國那辦中美商約大臣提督烈士近曾宣言曰。果各國不放鬆其把持中國利權手段。則中國加增稅則。自無窮期。吾恐二十年華人盡筋疲。各國欲求其款。不可得矣。所可異者。歐洲各國于美國在華商務均懷嫉心。不知我美國安之若素也。  
 同日電。房畢第一營練兵。奉命前往素瑪勒地方助戰。計兵四百六十人。  
 同日電。參將武安君標下某員。由素瑪勒函稱。此間戰事紛如。軍中騾馬喪失甚多。行糧軍火。亦將告罄。大局實危急異常。且各軍不其和協。不知將來如何了局云云。  
 同日電。印兵現已奉命前往素瑪勒助戰。此後尙可再發援。  
 二十三日路透電。英戶部大臣武烈赤曾在下議院宣言。謂予本日本來此。非爲杜人籌款之事云云。  
 同日電。各杜將現已過返英京。聞彼等並不欲晉謁理藩院大臣張伯倫。張君並未提醒伊等也。  
 同日電。英將武蘭擬于十一月一日由水道啓程前往非洲。  
 同日電。太晤士報云。滿洲各屬政治利源。俄人均能深知。而波斯北屬情形。俄亦素悉。且聞刻下尙欲調查阿富汗政治利權云。  
 二十五日路透電。法國各礦工滋事。現已具稟法相坎栢士。謂各礦工目下已願息事。懇請即爲調停也。  
 二十六日路透電。日昨各官商士庶咸詣聖彼得羅大禮拜堂。恭行謝天儀注。嚴肅異常。



同日電。英皇及皇后擬于十一月八日在武永蘇賜皇族中之宴。並設筵款待德皇。  
同日電。本月六日素瑪勒之戰。英兵初被戰敗。將官死有兩三人。後大將式安見勢甚危。急帶兵而前。阻敵進路。英軍始能結集。全軍復于下午極力進攻。敵兵大敗。英軍奪獲軍糧馬甚多。惟大砲一尊。未能奪回。計是役敵人死者六十二人。英兵死者七十八人。  
二十七日路透電。英理藩院大臣張伯倫擬于十一月下旬啓程前往南非洲稽查善後制度。以及新英屬之現象。聞內閣各大臣均謂張君赴非後。尙擬再往英屬各處游歷云。  
二十八日路透電。此次各杜將通遊荷比德法諸邦。爲杜國各貧民求助賑款得銀三萬二千磅。  
同日電。英欽差大臣康洛已照會土耳其政府。略謂土軍現在西登邊疆各屬。騷擾不堪。如不速爲彈壓。英國必向印度調兵以資防患云。  
同日電。逃審弗質兩島海線。當于十一月八日竣工。至美國小呂宋之海線。亦已沿海建設電桿。想明年七月以前當可竣事。  
十一月一日路透電。有組薩尼新帛地方已告退之杜將多人。及英官數人。現已決定調集英杜各兵千人前往素瑪勒與瑪拉人決戰。  
同日電。太平洋水線。現已將次竣工。十二月當可傳遞消息。  
四日路透電。參將式安現已選爲外部顧問官。參將敏雷目下尙在彼和拉預備軍裝。以便六禮拜後再行前往素瑪勒應戰。屆時式安始可卸任回英。  
五日路透電。英國學校第九十兩條章程。現已議定。  
同日電。英國理藩大臣張伯倫擬于本月三十日啓程前往南非洲遊歷。  
同日電。據彌理諸應勒官報云。彌國革命黨前往彌利亞附近某處與官軍交戰。大受挫敗。禍亂現已撲滅云。  
六日路透電。英國學校章程第十一第十二兩款。現已訂定。  
同日電。張伯倫在上議院宣言曰。此番予奉命前往非洲巡察。實具和平之心。惟望杜民庇我英旗之下。將來結局。必有可觀。且我政府已籌銀二百萬磅賑濟日前因戰事失業貧民。彼杜人尙有不悅者乎。

七日路透電。杜將所請自願帶兵前往素瑪勒應戰一事。英國外部拒之不允。  
同日電。德皇已由克洛地方乘坐輪船前往英國。  
同日電。英政府擬在預算度支內提銀八百萬賑濟杜屬芝靖江各屬貧民一事。已在上議院宣告一次。  
八日路透電。英國首相巴科業已出示。擬于下禮拜二日在下議院宣告機宜。俾學校各章程在本年耶穌誕以前可以議妥。  
同日電。本年十月間。英國進口貨計值增至二百五十萬磅。出口各貨計值增至一百一十二萬五千磅。  
九日路透電。德皇昨日已抵英國彌利亞碼頭。隨即乘坐火車前往赤巷克理復地方。閱視英國第一營馬兵。閱畢大加獎勵。贊其在南非洲戰勝之功。旋復往聖屯利恒地方。當承英皇設宴款接。面謝前日賑濟南非洲戰士家屬之誼。德皇答云。日前所費之資。頗有裨益。欣幸異常等語。後各戰士家屬復蒙賞賚有加。  
十日路透電。英皇昨日駕幸聖屯利恒大禮拜堂時。曾向理藩大臣張伯倫垂詢良久。嗣德皇亦與張君交談許久。  
同日電。英相巴科已在克托麥創設書院。  
同日電。前月初旬俄人在哈爾濱西南屬寶丹地方。拿獲華人劫盜七百人。俄人復于廿四日入村搜獲各盜。盡行殺戮。并在該處設兵防守。  
十一日路透電。英相巴科赴孟大臣之宴。席間言及南非洲情形。謂此後非洲大有所望。蓋以駐札南非洲英總督講求治術。不憚煩勞。益以理藩大臣張君此次赴非遊歷。自必助成厥功。又深贊商務大臣以此中英商約以及英日聯盟一事。克獲成功云云。  
十二日路透電。法政府所斷礦工爭鬥之案。工人均不遵諭。因其所斷。從于礦東有利。故各工人現復紛爭如故。  
同日電。法國海軍大臣斐利汀以海軍經費不足。將擬造戰艦三艘停製。惟地中海各兵輪須稍爲整頓。  
同日電。巴科所擬增訂學校章程一事。已在議院宣示。議員中贊成者二百二十二。反對者一百零三人。想此事月內當可定議。  
同日電。英國畢古拉輪船管帶意力阿已由漢伯士啓程前往勘驗克士麥旭以北意大利各海口航路。以便運兵前往素瑪勒備戰。



十三日路透電。駐扎非洲中部各英軍。現已調赴索瑪勒應戰。  
 同日電。倫敦中國會特設盛筵。邀請中英官商。共推英提督錫爵亞。商約大臣馬凱爾兩君為上座。席間中國會會長克士武宣言。曰。此次馬君所訂商約。中英兩國。可共獲利益。實予所深信云云。  
 十四日路透電。智脫各屬亂事紛起。故西班牙某輪船現已駛赴該處。以便接載各歐人回國。英國某某等巡艦三艘。亦已開赴該處。蓋因克俾勒士各士會現又起事。居留歐人實有可危也。  
 同日電。俄國各官報因法國在地中海水師勢力稍減一事。大發議論。某俄報謂法國此舉。竟視水師如兒戲。亟宜從速整頓云云。  
 同日電。南非洲英政府已將非洲殖民章程略為更改。  
 十五日路透電。俄國于經營阿富汗利權一事。俄京士民頗為張皇。某俄報云。南非洲戰事既平。英國甚望阿富汗邊圍多事。蓋阿富汗禍亂愈多。英人愈易獲利。然有損于俄良多也。  
 同日電。南非洲英政府前所議之事。現又暫停。  
 同日電。德政府所訂烏力測達商務章程。德商民均抱不平。屢有煩言。副會中人復將此事議有四時之外。刻德政府已擬將所定章程稍為更改矣。  
 同日電。英國學校各章程。已由代表人在下議院宣讀一次。  
 十六日路透電。比利時國王日前偕同王族中人前赴聖羅麥士地方。致祭故后。回時中途忽遇叛黨拉鼎洛開槍擊中第三軍阿德漫面部受傷甚重。被鼎洛當被拘獲訊供。據稱冒死而來。實欲謀刺比王也。  
 同日電。德皇刻已由聖督利爾前往品維地方。蓋從郎士德洛伯爵之請也。  
 同日電。英國兵部大臣博都理。曾在的士柏利宣言。謂目下愛爾蘭各亂黨雖希圖起事。然我英國法之嚴。固足以制之。  
 十七日路透電。謀刺比王之犯拉鼎洛係一著名叛黨。所有王族中人小影。彼皆有之。雖據供並無羽黨。想必係倫敦叛黨特使之來也。  
 同日倫敦電。俄兵部大臣。已諭令在哈爾濱地方設立一部。以便管理旅順哈爾濱。以及滿洲各處車棧一切事宜。

十八日路透電。北閩垣地方各官。饒送英理藩大臣張伯倫時。張君曾宣言曰。予此行原為國家大計。非敢藉以自娛云云。聞是日各處商民均懸燈結綵致送。殊形熱鬧云。  
 十九日路透電。英國派往委內瑞拉之兵。大為該處土會所推。管帶第四部參將湯洛克受傷甚重。已稟請英政府發兵救援。  
 二十日路透電。英參將湯洛克現已因傷逝世。管帶護營印軍白君冒險率軍進攻該土會之寨。旋亦陣亡。統計英將受傷者三人。土人受傷者八人。各部英軍現仍極力攻勦。該土會亦抗拒如前。  
 同日電。德皇曾諭臣工曰。朕此次遊英。心殊愉快。蓋承英人接待甚優也。  
 二十一日路透電。德皇乘坐馬車至屈永斯弗地方。登輪時其馬因見黑軍操演驚躍。幸大將亞亦保將馬穩勒住。始免意外之虞。  
 同日倫敦電。葡萄牙北屬大局刻下甚危。大有不可終日之勢。其故實因農民工人被屈莫仲。以致迫而生變也。  
 二十二日路透電。張伯倫已于一二日前至克利阿遊歷。尚擬往埃登摩摩伯薩以及阿歌打鐵路遊覽。  
 二十三日路透電。英政府擬于禮拜一。早宣告整頓製糖之法。想反對此舉者必不乏人也。  
 同日柏林電。天下著名之鐵廠主人。兼理德國克勞伯船務事務。克勞伯君。已于昨日逝世。年四十八歲。  
 二十六日路透電。英國下議院現已宣布改良製糖之法。因係大臣哈屈所擬辦法。故人多非之。反對者二百十三人。贊成者僅一百二十六人。  
 同日電。頃為英國每五年調查航海商民之期。查得航海商民。較之前五年減少七千一百五十五人。較之前十年減少二千五百五十八人。較之前十五年減少四千五百四十七人。惟外國充當英艦各執事者。自一千八百九十一年至今。共增八千七百二十人。充當水手者共增一萬二千二百十八人。一千八百九十一年時。計外國供英國營海商業之職者。得百分之二十。今已增二十六分矣。  
 同日電。法國礦工前者滋事。現已工作如故。惟魯爾亞各屬現仍停工。  
 同日電。克勞伯君已安葬于爾森地方。出殯時德皇親行送葬。  
 廿七日路透電。英國戶部大臣武烈亦在屈魯瑞地方。云。予擬明年四月將英屬稅務大加整頓。



同日電。總理英國郵政大臣登彼廉在下議院宣言。謂一俟東方郵程議定後。即飭各郵輪時常往來英屬北堡尼瑪海島。惟該處與英國來往郵件極少。且該處海道未熟。航行頗覺不便。故此舉尚難籌辦也。

同日電。倫敦太晤士報論及日本政治。以及水師房捐各事。謂日本係地球上英勇之人種。如伊藤侯有權在握。其所擬之海軍條議可行。則日本水師必能蒸蒸日上。該報又稱本社極望日本水師日興。房捐可以實行云云。

廿八日路透電。英德兩國現擬聯合向委內瑞拉政府要求多欸。

同日電。德國兵艦三艘在開洛埠備足軍裝彈藥。以便開赴委內瑞拉。想英軍亦必有舉動也。

廿九日路透電。英德兩國聯合向委內瑞拉政府要求一節。美政府已知其詳請。

同日電。法國礦工爭鬥如果不息。則瑪巴勒士地方及地中海水師均屬可危。

同日電。英皇近遣派專使前往波屬德黑蘭地方。奉贈波王官爵。此事當波王在英時已有成言也。

三十日路透電。本年十月間俄政府會照會英國政府。略謂英國果因俄國現在製糖之故。將俄國赴英糖稅加增。則是顯違英俄通商條約云云。並聞俄國已將此事請萬國公會公斷矣。

十二月一日路透電。英將爾格陽由印度帶兵前往阿富汗交界處平亂。共毀敵營五十九座。並在鄉村擒獲敵人二百〇二人。牲畜五千六百頭。殺斃敵人二十五人。受傷者二人。

同日倫敦電。俄美兩國漁人在白令海峽捕魚鯨鯨一事。自交和蘭萬國弭兵會調處後。現已斷定此事美國得直。俄國須以十萬元償之。

二日路透電。俄屬柯克士所種茶樹。大著成效。俄國農部大臣近復加意改良。特採中國印度錫蘭各處茶種。分給農民布種。計是季柯克士所出之茶。共有十四噸。每磅約值廿六辨士。以至四十六辨士不等。

同日倫敦電。杜國三提督已將英人所助被難杜民之欸。合共計算。計有二萬五千二百八十磅。

同日電。法國理藩大臣杜麥哥已決計派專員一班往查暹羅園法事宜。如果查出將來在遠東各殖民地有所關碍。則必設法以維持之。

三日路透電。此次美國議院會議時。美總統羅斯福致函言今訂定一新例。以便政府監察各商業聚行一事。惟須謹慎。不可令

合例大事業有碍。又言美國應設一極大海軍以保們羅道訓。

同日倫敦電。意大利外部大臣普利納在下議院宣言。已允英國在非洲東部攻回會之兵。在非洲意大利權限內某處從事。蓋以該處現尙未歸意國保護。惟英兵在內用事。須不與吾國殖民地及所保護之處有碍始可。是以特派一水師大員隨營前往。以觀英兵動靜。

同日柏林電。德國擬在南美洲委內瑞拉用兵一節。現聞德國所用船隻。祇用已在該國海面者。至于此禮拜內。由德起程之三巡船。則用以在美洲其他海面辦事。英德兩國已議定于本月三日將哀的美敦書送交委國。并聞委國已將德國所索賠欸。經由紐約匯交德國。而德政府則並未接有是項消息云。

四日路透電。英國下議院已三次宣布新訂學校章程。此次贊成二百八十六人。反對者僅一百三十四人云。

同日電。西班牙樞密院諸臣刻已一律辭職。

同日電。有英兵艦四艘已由印度起程前往委內瑞拉。尙有兩艘不日將往云。

同日電。英國理藩院大臣張伯倫借其夫人刻已行抵埃及京城矣。

五日路透電。英政府現已擬定遣派西非洲軍士四百人或六百人前往非洲素瑪勒攻擊會長。該會長亦統軍甚多。現已預備開仗。

同日電。英國二等巡船英艦脫格刻由西印度英屬德利尼達地方調赴委內瑞拉。

六日路透電。法國礦工爭鬥一事。法政府已極力調停。尙未了結。各礦務公司以及各官均大為失望。

同日電。英屬達丁黎地方某伯爵及愛爾蘭地方總兵官業已預告駐扎商愛德博靈之孟大臣云。英皇及皇后擬于明春巡幸愛爾蘭。

八日路透電。英國兵艦理吐力畢森號及德國第三號某兵艦。現已行抵委內瑞拉。

同日電。張伯倫于昨日下午親見埃及國王後。旋赴金字塔遊覽。即回轉蘇彝士河原船首途。

同日電。美國元老代表兩議院刻均將非律賓改用金磅一事開議。

同日電。英國皇太子及其夫人此次往東方游歷。道經埃及。埃王偕其弟暨各大臣以及英埃兩國武員。均至車站迎送。并往阿



普丁宮殿遊覽

同日倫敦電。英國要索委內瑞拉之故。實有數端。一據英船。二奪鐵路。三刻薄英人。四任意傷害英人利權產業。

同日電。英國外務大臣業已宣言。謂英國之與委國交涉。迄未議結。德國亦然。現英德兩國政府均已簡派專員向委政府極力要索。委政府所許條款。如果不滿兩國之心。惟有開戰。必欲達其目的而後已。又英德兩國戰艦。已于前禮拜日下午駛抵委國格洛埃斯地方。委國果不從兩國之要求。必有一番血戰云。

九日路透電。法國馬耳賽口岸。所有船塢工人及舵工等。均已一律罷市。凡船隻到時。無論何國。一概不與起貨。其解各行工業。亦將商同罷市。而漁人木匠餅師屠人等則已一律罷市云。

同日柏林電。英德兩國自將哀的美敦書送與委國後。二十四點內。仍未接到覆文。故英德駐委國兩公使。已離去委京。而至停泊在拉夸爾口岸之兵船暫駐。如委國不遵哀的美敦書所載各節。則英德兩國即將奪其兵船。封其海口。

同日電。法國各報頗不以法埃所立之商約為然。據言該約之立。法國幾若已暗認英國占據埃及矣。

十日路透電。倫敦得委京格洛埃斯電稱。英德兩國兵艦。已于本日在理豁武拉港中聯合拘獲委國戰艦四艘。委政府即將委京各英民悉數拘禁以報之。

十一日路透電。法國馬耳賽罷市。工人現已決意。不再與其主及政府議和。

同日電。此次委京各英民均被委政府拘禁一事。英政府尚以為得計。蓋英民既被監禁。愈可保全無恙也。

同日電。委京居民聞知理豁武拉港中委國兵艦四艘均被英德所拘。即將兩國旗撤下。以火燒燬。并欲迫入德國使署。將德人盡行誅戮。警察雖備知其事。亦徒袖手旁觀而已。

同日電。德國由委國鐵路所運貨物。委政府均不准放行。

同日電。委政府現已大赦國內犯人。并諭國民從軍禦敵。

同日電。美國駐委公使。現在委京關顧英德兩國一切利益。已將兩國被禁商民設法釋放。現仍籌謀良策。冀兩國民衆盡脫囹圄。

十二日路透電。委國各戰艦均被英德兩國擊沈。惟一艘無恙。

同日電。委將叛列帶兵一千二百名前往理豁武拉應戰。委總統現已降諭。極言英德聯合軍有野蠻之舉動。諭令國民同心戮力應戰。以保疆土。

同日電。德委政府拘禁英德兩國人民。目下均已釋放。委將叛列所統之軍并大砲十八尊。現已行抵理豁武拉。

同日電。目下英德各軍并未與彌軍開仗。

同日電。委總統現已招集新軍。凡年在十五歲以上至五十歲者。均可應募。委國總主教及總統近曾往謁委國革命黨首領。請其相助禦敵。

同日倫敦電。與英國為敵之素瑪勒會長。聞已于拜神祈禱時。為人行刺而斃。

十三日路透電。委政府現已照請美公使代向英德兩國求和。惟觀現在情形。兩國似不能允其所請。

同日電。英德兩國將所獲委國兵船沈沒。其故以無從解釋。故美人聞者頗為憤懣。并極忿怒。

同日電。在暹羅之各國銀行。因暹羅改用金幣。以致受虧。咸向暹政府索償。暹廷不允。

十四日路透電。北妙達地方之英兵艦二艘。現亦開赴委內瑞拉矣。

同日電。意大利現亦遣派戰艦兩艘前往委國。

同日電。日前傳說素瑪勒會長被刺一節。係屬謠傳。蓋英政府已接該會長來文。其辭甚為倨傲。文書略言議和情形。并請英政府允其載運各種軍裝進口。

十五日路透電。德國力測斯達商約。已在議院辯駁終宵。始獲定議。此次贊成者三百〇二人。反對者一百人。

同日電。德國米尼滔兵艦。現又拘獲委國力士滔的砲船。

同日電。英國滔斐士輪船。于本月十日為委屬嘉拍洛土匪所拘。旋即釋放。

同日電。英國開勒的士兵船。并德國米尼滔兵艦。已將委屬之嘉拍洛地方極力攻擊。

同日電。委國總統日來舉動大異于前。一面聲責英德兩國行為之非。一面諭令各屬不得擒拿英德商民。并將德國所建德律風以及鐵路一切交還。駐委德使之夫人抱病在署。委總統曾親往問候。并請其入宮靜養。且諭飭嘉拍洛地方各官務允英德兩國所要求云。



十六日路透電。英國兵部大臣羅布力在下議院宣言。謂現已決定仍留駐華兵隊四營。以防威海衛。

同日電。德國各報均謂委內瑞拉兵艦經德軍一擊而沈。豈足以資航海抵敵之用。即使留存亦不過阻礙我軍艦行動而已。

同日電。委總統擬將此次交涉交公正人判斷一節。美政府已允贊成。

同日電。美國外務大臣已咨會德政府。謂圍攻委國海口一事。不必通知美國兵艦。蓋此舉非美國之所願。並云惟望此次亦封禁海口。如一千八百九十六年時。屈勒提雖被圍攻。而海口卒得保全無恙云云。

同日電。英國學校章程已在上議院宣讀。

十七日路透電。英德兩政府現已決定示委國以兵威。將委屬各海口概行封禁。惟兩國並無欲令英軍登岸。佔據委屬各邊疆之意。

同日電。美國外務大臣現已咨催英德兩政府。略謂委總統所請將三國交涉交公正人判斷一節。請從速賜覆。

同日電。美國總統維斯福及內閣各大臣。昨已會議委國交涉之事。惟應如何辦理之處。尚未決定。

同日電。美國各議員咸贊美政府此番辦理之善。

十八日路透電。俄屬阿的會之衰恒拉鄉村。昨因地震之故。損害人命尙未查知其數。

同日電。英皇曾在議院宣諭。謂英日聯盟。兩國均願同心協力。互保利權。並云聯盟一事。不惟裨益兩國。且可保全東方和平之局。又論目前所訂中英商約。微特有益于英。即凡通商各國。均獲益非淺。并指約中數款。謂此數款雖未必為各國之所悅。其實均大有裨益也。

十九日路透電。委總統已畀全權與駐委美公使。以便與英德兩國開議和局。委國既已諸多退讓。英國自必樂從所請。不與德國合力與委國委難也。

二十日路透電。美政府咨請英國將英德與委國交涉之案交公正人判斷一節。英政府現經照覆。已有允准言和之意。惟一切條款。僅願與美政府商辦云。

同日電。德意兩國亦已照覆美廷。至其所敘情形。大約與英國所覆相同。

同日電。俄外部現移咨英政府。略謂南非洲戰事未發以前。阿富汗各處邊疆交涉。業已議結云云。文中所敘。并無所要求于英。

不過欲與阿富汗邦交日形親睦耳。

二十一日路透電。英德兩國現已聲明。果兩國所索各條。委國并未請人担保。以表其實。以滿兩國要求之心。當將其海口即行封禁。

同日電。勸請美總統公斷委國與英德交涉一節。委國總統現已允從。

二十二日路透電。瑪昆日在畢利湯并柯唔浩兩處之間。所創無線電報。現已傳遞電信。加拿大總督已由該局電奏英皇。此乃該局第一次所傳之電信也。

同日電。英國弗而湯兵艦會列入派封委國海口英國艦隊之內。目下停泊阿凌瑞屈江中。

二十三日路透電。意國兵艦邦森號。現已擒獲委國桅船一艘。

同日電。日前俄國阿的會地震。計毀房屋一萬六千間。傷斃居民二千五百人。目下該處地方仍時震動。居民實不勝其苦云。

同日電。塞宜尼國承統公主。忽于十一日夜間潛至某處登舟。不知何往。其時公主神色甚為慘淡。人皆以為公主必因家人不睦之故。擬欲附船前往會尼巴。惟此舉國人均甚張皇云。

二十四日路透電。塞宜尼國公主係與宮中某師傅法相約逃。刻下兩人均在會尼巴某處客寓。

同日電。意國某巡艦并英國某巡艦一艘。現復擒獲委國商船五艘。德國某兵艦亦已擒獲委國兵艦一艘。目下委京糧餉僅資兩禮拜之需。

同日電。英德兩國公請美總統裁判委國交涉一事。已于本日行文美京。

同日電。意國亦已派兵七百人由委屬巴柏括前往阿彼亞。約廿七日可抵該處。蓋意國以此役亦不得已之舉。其意與英國若合符節。

二十五日路透電。意國亦請美總統公斷委國交涉。其照會已遞至美京。文中所述情形。頗為慷慨。并謂美政府所公斷。我意甚為樂從。

同日電。委政府現已聲明。謂萬國公會之例。封禁海口固可。惟所拘委國各艦應即交回。

同日電。委國各商船為各國封口各兵艦所擒者。計值金五千元。



同日電。塞宣尼公主目下不肯歸于其父。蓋恐既歸之後。必遭禁錮也。至其潛逃之故。亦已言明。係因與其弟不睦。現其弟亦逃至會尼巴某處。

二十七日路透電。英國殖民大臣張伯倫于本日行抵竹版碼頭。該處總督及各官均來迎迓。張君宣言謂本大臣此次游歷之故。特欲表明英皇深愛南非洲及南非洲百姓之意云。

同日電。委國交涉一事。美總統今不肯出為判斷。歐洲各國現已議定改交萬國公會裁判。

同日電。張伯倫在德班宴會席間宣言曰。英旗之在南非。當必日增光彩。兩國亦必敦好如初。可無疑義。又云。英杜兩國之聯盟。乃一絕大問題。此事不容緩議。

二十八日路透電。日昨張伯倫在德班宴會。嘗云當兩種競爭之時。雖國中大員亦不能阻止其事。又云今日之荷蘭。固已尊崇英國。吾英尚有何憾云云。

同日電。英國皇后于耶穌聖誕之日。特賜宴南非陣亡弁兵之家屬共一千八百人。

二十九日路透電。此次美總統不允公斷委因之事。德政府頗失所望。蓋此事若歸萬國公會判斷。曲折頗多。必致遷延時日也。

三十日路透電。摩洛哥國王現在潛駐弗肅宮中。國恐土匪攻擊城村。無力阻遏也。

同日電。摩洛哥各土匪已將弗肅城內吸水管截斷。致城內滴水難求。想三日內摩王當必迫而出降。又摩王曾由宮中逃出。復被各土匪逐回。

明治三十七年五月二十二日印刷  
 明治三十七年五月二十六日發行

壬寅新報彙報編與附

不許複製

編輯者兼 日本東京市本所區龜澤町一丁目十九番地 下河邊半五郎



印刷者 日本東京市京橋區南小田原町二丁目九番地 中野鎧太郎

印刷所 日本東京市京橋區築地三丁目十五番地 帝國印刷株式會社

日本各地賣捌所

清國各地賣捌所








319  
73







319  
73

102570-000-4

319-73

壬寅新民叢報彙編

下河辺 半五郎 / 編

M37

EAI-0421





